

南
潯
鎮
志

寺廟二

汪曰楨撰

南潯鎮志九

嘉應廟

在南柵祀崔承事李承事宋宣和間方寇擾攘

共率鄉丁捍禦獲全每值歉歲出廩賑給人皆德之卒

後於市中廟祀咸淳六年敕賜廟額按今稱土地廟蓋

已爲一方之神本鎮比戶戶祝曰崔李二大明王明嘉

靖萬曆間兩次重修 本朝康熙中重修雍正三年復

修左右藥王殿右有五路祠又有水火二神及牛王祠

宋嘉應廟救牒

文見碑刻。按舊志及府縣志並以廟爲咸淳六年敕建據牒則二公卒

後卽爲立祠當在南米初下距咸淳賜額已閱百餘年矣又華氏傳芳錄謂廟爲華元實捨地所建而元

實爲南宋末年人其妄不待辨

明錢鈞嘉應廟置地碑記

文見碑刻

董漢策重修嘉應廟募疏

節錄

南潯嘉應廟神崔李二

明王歙產也宋淳熙間客居潯上以善賈稱時遇奇

荒二明王捐資賑飢全活無筭潯民德焉歿後立廟

奏封爲嘉應神祠建自咸淳六年歷著靈驗明萬曆

間家從祖遐周公感夢兩王者來皆冕黻搢珽請新

居址晨起有款門者以嘉應廟緣冊進歎異重修今

又六十年所矣今年冬奉祀苾芻將告同里再請更

新焉

按董志謂崔李二承事度宗時方寇擾潯率鄉丁捍禦豈方臘之反在南宋末耶又謂值歲飢

二承事以湖南米商至盡散其粟以賑貧不能歸卒于潯此文則以爲淳熙間歙人說既兩歧又並與救

牒不合要皆齊東野人之語耳據救牒係宣和時人故捍方臘之亂且云崔李二公居焉又云聲搖鄉郡又云二公率鄉丁捍禦則崔李皆本鎮人明矣救牒右刻具存而載筆者竟未一寓目何歟又范志云崔府君名煊又名重微清河人官于浙隱于潯卒于潯李府君名懋歛縣人宋淳熙間賈于潯遇奇荒罄資賑飢全活無數崔君重其義相與友善至今嘉應廟神座煖閣下有古墓存焉相傳玉身葬處其說旣與捍禦方臘年代不符復與湖南米商自相矛盾且所謂古墓者崔墓耶李墓耶抑崔李共葬耶蓋出俚俗臆造尤爲誕妄當以救牒爲據

夏光遠重修嘉應廟碑記

文見碑刻

曹仁虎潯溪竹枝詞月中泥馬事荒唐萬乘曾傳避
亂忙贏得叢祠燈火盛春秋社鼓賽明王

邢典南林雜詠嘉應廟古木棲鴉冷荒祠落照寒客

尋炎宋迹搜得廟碑看

董蠡舟潯溪棹歌浪傳嘉應又褒能泥馬荒唐豈足

憑賺得上臨村父老古梅林下說思陵

勞鉞府志云建炎二年金

人陷揚州高宗南渡金人追之帝至潯懼追者匿嘉應神祠中月夜俄見泥馬忽動跨之而行遂入杭州今褒能寺俗呼康王寺以帝經過名也按南渡錄云高宗爲康王時質於金與金太子同射三矢俱中金人以爲宗室之長於武藝者旨名爲此遣還換正太子來高宗得逸奔竄疲困假寐于崔府君廟中夢神人曰金人追及速去之已備馬於門首驚覺馬已在側乘之前馳旣渡河而馬不復動下視之泥馬也此事在靖康元年高宗未卽位以前崔府君廟在河北非江南也志以此事附會於吾鎮嘉應廟不知嘉應廟額敕賜于咸淳間此時安得有此稱果有此事則紹興中卽當褒顯何俟度宗朝因里民具牒陳請而後賜額乎且建炎二年高宗尚在揚州揚州之陷乃在三年高宗幸杭亦在是年前此未嘗渡江也考

之宋史高宗由平江秀州至杭卽今之驛道無迂途
過潯之理村學究戒于傳聞虛造此說子謂南渡錄
本不足信高宗之偕張邦昌使金營在靖康元年正
月二月卽還金韓離不營于開遠門外在汴京郭內
何待渡河南竄此後兩次使金皆未成行然則泥馬
一事當在何時其妄不辨可知然其致誤之由亦有
所自宋史王雲傳雲副康王使金至磁州王出謁嘉
應侯神廟民遮道呼曰云云宋稗類鈔高宗至磁州
宗忠簡假神道以止之曰此有崔府君廟甚靈可以
十稜有馬更顯應遂入燒香其馬啣車輦等物塞去
路遂止不行此與王雲傳所言本是一事嘉應侯卽
崔府君也宗忠簡設爲神應以止王行馬啣車輦安
知非忠簡所爲南渡錄因此而有泥馬之說後人又
因嘉應之號崔承事之姓相同遂輾轉附會屬之吾
鎮殊堪喟喩不知嘉應侯乃封號非廟額鎮志則誤
以二承事爲封嘉應侯其實未有封號僅賜廟額耳
咸淳牒石刻具存可覆按也鎮北十五里有梅林村
柏傳村有古梅樹高宗南渡駐蹕其下宴賞賦詩更
梅林日上林或日上所臨也日上臨見○百貨齊陳
朱文肅湧幢小品其附會正與勞志同

百戲張叢祠秋社賽明王夕陽凌亂行人影知是歸

從土地堂

俗呼嘉應廟爲土地堂三月一日九月五日二承事生辰每歲九月貿易者先期至

手技雜戲畢集演劇報賽游人闖盜二旬始罷三月則無之增易南潯十景有嘉應香市

報國寺 在南柵宋開禧間釋宗偉草創嘉定中眉山楊

某助建初爲接待懺院後名報國寺其鐘樓佛閣嘉熙

元年華文勝續建明洪武二十四年立爲叢林萬曆十

六年燬于火四十六年朱國禎重建 本朝順治中重

修崇正六年復建有文昌宮關帝殿純陽閣龍王祠寺

前有曲水環以石橋或云卽元時鎮學遺址

按府縣志並云寺在

東柵
譚

宋接待懺院公據

文見碑刻

宋報國寺告示

文見碑刻

宋密公山主捨田園記

文見碑刻

宋李心傳南林報國寺記

文見碑刻。按舊志及府縣志並云端平中學士陳

益建據此記云今敷文閣學士眉山楊公則非陳益明矣華氏傳芳錄作楊益今攷記云楊公時領祠部益捐金錢以爲吾助益字亦非楊公之名也

宋檀越布施記

文見碑刻

明董斯張題報國斷手僧募緣錄

節錄

吾里之南有報國

寺創始者誰曰朱偉公丹腹歸然殿閣嚴麗勝國兵
穢蕩爲烟墟百年以來無議復者淨雲比邱容止端

靜精持羯磨自隸斯寺夙夜思惟願還舊觀其徒沙
彌是曰慧裔童齏不葷齊茲願力今歲丙辰七月既
望胡跪像前驟持霜刃解其左腕置寶几前而自誓
言此寺不新永斷佛種爾時身血飛射數步其腕忽
然躍出于檻大眾聞已各詣其所雲集讚歎俱發聲
言南無佛陀或復悲泣恭敬頂禮前致問訊仁者爲
此無痛楚乎時彼沙彌結跏趺坐凝視不動從容而
語諸善男子吾佛加護都無所苦寺若鼎新死亦何
恪異哉此事第一希有能以支骸而作佛事是真堪
忍豎精進幢諸見聞者願捨慳貪建寶王刹視我腐

財作彼手想是二人福正等無異

按舊志萬曆戊子燬此云勝國兵燹

是燬于元末矣蓋元末兵火尚有甯餘至明神宗時復燬也且洪武中立爲叢林必非蕩爲烟墟可知

明董說南潯社學記報國寺今日南潯之社學也余

按國朝學校本末自高皇帝洪武八年詔有司立社學延師儒以教民間子弟十六年詔民間立社學有司不得干預其新斷有過之人不許爲師二十年令民間子弟讀大誥律令英宗正統元年令各省提學官及司府州縣官嚴督不許廢弛社學憲宗成化元年令民間子弟願入社學者聽貧乏者勿強孝宗宏治十七年令各府州縣建立社學訪保明師民間幼

童年十五以下者送入讀書祖宗寶訓爲民間鄉黨計甚深遠今郡國學僅存而社學已廢考烏程舊志社學城中三所一在西市界儒學南相對學舍三間一在縣治東一在南門界知縣錢學建鄉都五所一在舊館一在後林一在馬要一在烏鎮一在南潯在城中者其二已無考其與儒學相對一所今已實居民閉門終年而已南潯社學今日不可復見古蹟荒頽大可悲歎假使有人儒衣冠白日呼號于市我欲復社學社學必不可復而人唾其面今報國寺斷手僧惻然以長夜爲痛迎道場雪航師講楞嚴義潯之

戴白者勝冠者垂髻者富者貴者貧賤者皆接其踵于報國寺師又爲之闡揚至善稍屈高論以鼓鐘昏俗爲主聞講安仁入寺見性社學廢詰令荒鄉人間地獄之說如讀大明律社學廢長幼惰鄉人間果報之說如對嚴師保共勸仁義以勉凶殘余故曰報國寺今日南潯之社學也欲見南潯社學如隔秦漢欲復南潯社學如登雲霄惟宋端平間學士陳益所建報國教寺巋然在南潯之南社學明建而已廢報國宋建而猶存存而使人如讀律令如嚴師保社學之遺意亦賴並存謂佛無功于儒吾不解也又烏程縣

志云鄉約所城中二所一在南門界一在西市界俱知縣錢學建俱廢今在鐵佛寺鄉都五所一在舊館一在後林一在馬要一在烏鎮一在南潯亦錢學建而俱廢今俱在各鄉寺觀以余觀今日之事雖謂社學在各鄉寺觀可也

董漢策題南林上人冊

錄節

古德創奇或以忒眼示眾

或以斷足召龍而吾鄉南林上人獨以臂顯師自少年卽發願斷臂立報國古刹略四十載茲丁亥秋師復欲終前志建護法幢造龍華閣抑何勇哉

夏光遠重修報國教寺序予少習于儒不諳浮圖之

學時或角藝於浮屠之室者取其清淨閒曠迥異塵
市之紛擾也我潯素稱巨鎮而名藍古蹟斷推報國
第一憶予六世祖朝端公於嘉應廟捐資拓地勒諸
碑石盛稱廟前數十武有古刹報國寺創自南宋端
平廣袤數百丈棟宇崇煥僧寮閎壯爲潯鎮冠無何
世遠代遷不特宋時規制日久更移卽我祖所稱述
者閱二百年來傾圮變易不可復睹里人目擊心傷
咸思道高行修者爲之住持而振興之近得吳門湘
潭上人駐錫其中而回顧荒涼風雨不蔽其後殿已
成灰燼創興有待卽大殿天王殿朽棟頽垣幾幾乎

有土崩瓦解之勢由是劇心疾首度非捨身無以成
功一日參禮大士前誓願鼎新毅然斷手以繼昔年
南林願如所爲彼時善信力救死而復甦者再其立
志誠堅制行良苦矣奈點石難以成金蒸沙詎能作
飯爰告同心慨發慈悲廣種福田宏開善圃俾功成
一掌之烈復見於今庶此寺得還已往之規模而我
潯亦獲寢昌之景象矣雍正戊申重陽前一日樂清
老人題

丁桂重修純陽閣精舍記

節錄

潯南報國寺有閣翼然

臨于其右所以像奉呂祖純陽真人者也其旁舊有

屋數楹已就傾圮今道光戊戌里人釀財葺治築爲
精舍以爲行禮後飲福之所

〔明董斯張過報國寺乘春幸多暇信步出溪南獨叩
竹間寺來爲世外談苦吟猶是幻佞佛亦成貪一片
前朝碣禪機爲爾參〕

〔明董說將至報國寺示靈壁要赴溪頭聽雨期鉢囊
挂傍法華碑茗游他日編吟稟添得中秋報國詩〕

〔又報國秋霽孤村危閣立漏日斷碑明溪怒奔秋水
雲枯報晚晴竹西新塚路松裏雜華聲隔渚憶曾到
看楓繞寺行〕

又登報國白衣閣受記餅旬小智齡江楓江柳幾回

青摧頽日暮西風裏指點空梁說小名

閣爲先子借庵先生助建

閣梁題

余小名

又改報國舊籬路從烏柏樹根斷人踏豆花棚上行
眼光枯盡客未赦還袖法書來乞評

又題報國寺西老樹憶在謝凝圖裏見駕壑若龍風
雨戰不須大樹現全身只遣橫枝當一面

又贈南林師師年二十時斷一臂募興報國寺今六
十四矣草履麻衣老碧潯寒崖勁柏氣蕭森三千界
仗神光臂四十年操報國心天上麒麟題品徧茂陵

玉盃感懷深

數年前師鑿井得
宋瓶余詩作記

繁花古墓鄰秋殿薤

露風淒夜梵音

張雋報國寺石刻法華塔入寺穹碑在靈文結構曾
向年詒墨本此地問遺僧橋臥慙枯塹牆欹恃古藤
摩抄成獨慨風雨更憑陵

紀寅過報國寺寺古都無遺像在年深惟有斷碑存
飯鐘敲出雲林外今昔滄桑孰共論

董炮報國禪寺鬱鬱招提表宋朝清流當路石橫橋
暝鐘帶雨驚孤客森木干雲盤阜鵬枯葉挾將寒共
至塵襟頓與雪俱消方輿不復書安吉記取南林舊

事遙

碑云安吉州南
林報國禪寺

紀復亨報國寺南林存古蹟僧寺復凋殘頽水荒煙
合香廚落木寒廢興尋斷碣往復撫危闌古衲空行
迹蕭蕭賸竹竿

紀琴思偕同人遊報國寺用壁間韻支筇尋勝步芳
洲欲識高僧結伴遊此日齋心成妙境當年斷手記
眞修眼前卽景題偏韻象外求元語更適勺水相傳
古頽壁好畱墨瀋照清流

明季有寺僧斷手立誓得
集善緣衆爲之額顏以一

掌功
成

施國邨南林雜詩

時讀書報
國禪院

古寺傳名舊荒碑歲月

多佛龕空想像經塔小摩挲磴老凝苔蘚廊深長薜
蘿憑誰話陳跡時覩野翁過○樓外宜修竹疎陰障
碧流僧歸黃葉渡鳥下白蘋洲隔水漁榔遠深林暮
雨收橫空明一片無限石橋秋○傑閣嗟桑海端平
事已非古錢沒秋草寒礎枕斜暉慨此青林晚何年
白馬歸老僧殊有意金碧待重輝寺後千佛閣之燬
地中有崇圓錢或
拾得者○寥落秋菰岸溪流石澗清山人今往矣賸有

嘯猿驚竹絹珍遺墨雲煙獨擅名遠偏林際是頽圮

兩三楹寺後溪名石澗
工墨竹不輕予人圖
國中竹萌者尤貴所居

名遠
偏廬

張鎮潯溪漁唱翠篠叢叢漾水清閒尋報國小橋橫
法華碑碣須珍重鐵畫銀鈎是李貞

楊鳳苞舍弟鳳擊道暑報國禪寺結夏綠陰層炎歎
不到僧妙香供讀畫疎磬悟傳燈選石修篁塢臨池
古剎藤夜堂圍柏影蹋月興堪乘

范錯潯溪紀事詩溪南報國梵王宮花竹禪房曲徑
通記得打碑約吟侶扁舟客到夕陽中

報國寺前有
曲水石橋相

傳爲周左丞潘原民築城時泮宮也嘉慶七年秋偕
紀鐵珊秀才峻王雪浦上舍募拓碑于報國寺及長
生講院值少詹錢竹汀先生大昕同瞿木夫秀才中
溶何夢華上舍元錫舟過潯上見訪草堂因集于劉
氏眠琴山館席間出示搨木竹汀先生喜而攜歸
將以補入阮雲臺中丞元所輯兩浙金石志也

紀峻偕萼園姪至報國寺聯袂尋幽興正濃梵宮開
覓古人蹤宋元宇剝苔中碣院宇聲清午後鐘曲水
到門翻碧浪開花滿徑繞蒼松南林勝迹娛心目孰
是清吟震蟄龍

孫燮偕瀛眉柳橋入報國寺欲覓斷碑去聞尋曲徑
行春風吹雨歇斜日照松明一鼎鑄民力

時新鑄鼎成三

門開晚晴我來攜勝侶啜茗又詩成

董恂報國寺南林畱舊寺遺迹識前朝香火緣偏寂
桑麻路不遙繞門環曲港疊石駕橫橋徧覓荒碑讀
多將古恨消

又潯溪棹歌寺外環橋臥水涯殘碑歷久沒泥沙行

人不問南林事只看年年梓樹花

南林之名
見碑文中

○元壇廟 一在報國寺西右有羅祖祠一在西柵大士庵

東道光二十五年建

磧沙寺 在南柵渡船頭道光元年修十九年重修

勝義庵 在南柵今廢爲寓園詳祠墓

張鴻窓過勝義庵訪協夫一徑窈然碧詩人何處樓

柳圍溪水曲竹放鳥聲幽門外一僧立窗前眾木稠

翛然塵慮遠乘興且勾畱

長生寺 在南柵宋建炎中建元延祐二年重建 本朝

乾隆中修院前松徑幾半里今松俱無存

元宇文公諒長生講院碑跋

文見碑刻

曹大斌募修長生講院大殿引長生講院者潯溪里古刹也按元延祐二年宇文公諒重修碑記云院肇于宋建炎間自肇迄修相距僅踰三甲子已稱遭罹兵燹靡有孑遺住持靜覺者爰募善緣丕復舊觀況延祐至今傳國三代易主幾三十朝歷年更七甲子重修者非一二意必有堅志苦行之僧伽信心樂施之檀越相與維持得勿廢墜而乃紀錄放失末由攷證予甚慨焉幻空禪師堅志苦行克配前良覩梵宇

將頽奮思整頓請予書其梗槩以爲糠粃之先于愧
文不諧俗無能爲役且葦衣諸生聲名氣力奚堪鼓
唱時風眾勢疑沮擱筆者久之雖然樂施固由於信
心檀越之心卽僧伽之心僧伽之心卽佛祖之心豈
視區區者爲輕重行見欲種福田者咸傾筐倒篋以
襄勝事微師之精勤不足以動人之樂施微人之樂
施不足以成師之巨費者應不異於純節先生所云
也敢以鄙陋之作爲券

紀遠月下步長生松徑有懷此大師雨歇尋幽徑蕭
閒興若何欹松猶挂月廢沼已無波寂寂寺前火亭

亭露下禾何當續蓮社醉客更來過

包咸同天階訪袁公白先生於長生寺適遊湖濱不

遇覽吳中往哲遺像而歸

余先人之隱穹窿時同至者爲袁先生感憤寥落相

若也余爲童子時立先人後恆識先生卒存數年存沒殊悞回首西山有淚空灑不相聞問者已久己亥客于潯先生亦以事留蕭寺間之趨訪焉不遇賦以志感風塵回首憶穹窿訪舊

禪林識寓公十載兵戈雙鬢老五湖烟月片帆通寺
依流水藏深竹路有斜陽綴落楓不盡前朝人已古
懷君薄暮望征篷

董耀游長生寺桃柳成行屋幾家溪烟斂盡日初斜
遊人寂寂春歸去古寺閒僧埽落花

董繩炷游長生寺次韻寂寞荒村只幾家輕風蕩漾
柳枝斜數聲嘒鳥春歸去一路游人踏落花

紀復亭長生寺杜鵑花佛日清和殿影陰一窠躑躅
欲燒林法王火繖開金地天女霞裙試道心夜靜寶
燈明院落坐深紅雨濺衣襟花飛已得長生偈莫向
嘒殘怨魄尋

范登長生寺白雲掩溪曲戶外聞花香初訝入仙境
不知登佛堂松寮清磬出石磴古琴張敷坐落空翠
老僧歸夕陽

范錯潯溪紀事詩蕭然講院有餘清入暮龕燈照眼

明仙梵東西相應處此公當日說無生

長生講院前
舊有松徑風

響濤聲與鐘梵
相應傍有塔院

孫燮正月二十七日偕金山甫吳半峰沈柳橋入長
生寺用昌黎寒食日出遊韻憶昔春遊散頑病偕行
更有眉庵盛十年轉眼失斯人墓上蕭蕭白楊映擗
沙易散誰堅牢世事紛紜那足競今年春寒陰雨多
掩關日夕事吟詠沈君謂子業太專張而不弛禮非
正枝上梅花不待人春光一去何能更攜朋選勝素
所樂良友有言謹唯命我生久合住深山未辦長鑿
白木柄婚嫁雖完精力竭那得遠遊學禽慶南林地

僻稀遊觀惟有金仙俗所敬竭民脂膏事土木到處
精廬各幽篁名流往往伴僧閒違計竺乾理非聖長
生古刹連塔院兩寺直如一寺併市廛較遠境最幽
我來聊可悅情性庭隅老樹拔千尋氣凌華屋一何
橫樛枝四出如蛟龍春淺應知葉未迸吾聞心地靜
生明有如止水形能鏡安得襍被長住此屏絕米鹽
謝家政坐久天邊落日昏歸遲橋畔朔風勁倘飛薄
雪點梅花吾亦能從白戰令

董恂長生寺勝地消兵燹殘碑掩薜蘿古松滋老蘚
野水長新荷小艇漁歌遞荒墳鬼唱多朽金兼鈍碧

載酒一相過

塔院

在南柵長生寺右順治五年董漢策建

董漢策長生塔院記

文見碑刻

又塔院捨券

文見碑刻

又長生塔院募準提懺齋疏今年孟冬余方結友禮
準提懺旣三日子半夢臥地上佛母以黃裙圍我下
體旋以黃衣覆身云子將有難吾爲子遮卻覺後語
諸子咸異之越一月游茗上道經屐溪泊焉復夢坐
牆角丹鳳飛來撫其雛乘鳳飛去未寤寤則聞矢石
聲如雨披衣欲令僮輩格鬪則綠林客已四面合圍

舟次約百人皆貫弓挾矢相向矣余蹴蒼頭持刀奮
呼余乘間踴焉賊或挾我臂則與手搏絕袂得脫從
箭林中出迷失道則遇童子示以路賊追不得遂廢
然息余與賊交臂若有天人障賊雙眸者豈非三寶
威神不可思議哉今此山禪師擇戊戌春王募齋修
懺寶鉢天衣將覆大地息災解難固可目余爲左證
矣題諸頁首敢告同志時丁酉除夕

明董說敬夫過塔院訪此山禪師數年不向寺中行
石塔新開古院名一樹寒桐晴後綠幾回茶鼎竹間

烹高僧舊約嚴詩政落葉新詞定細評

時敬夫落葉詩成應

話西窗病居士滿牀書畫看雲生

明陳忱過長生塔院訪沈雪樵徐松之兼呈此山師
寺門松影動離離縱目西郊欲雪時故國棲遲遺老
在新亭慷慨幾人知愁深失計三年別亂極猶談一
日詩雖是支公超物外歲寒堂裏亦低眉

包咸長生塔院訪徐松之程百畹兼呈此山禪師訪
舊龍宮日欲西長松深竹護招提交游落落逢霜雪
吳越荒荒自鼓聲鳴磬半隨黃葉下雨花斜帶白雲
低遠公不問東林路送客無端過虎溪

閔南仲追和此山老人枯木吟建院孤鶴何處來積

雪埋雙腳滿牀頗黎珠春風隨意落誰施袈裟地披
榛事畚鍤十載常杜門聚沙忽成刹螢燐作金碧蒿
萊化榱桷塵尾謝廉貪玉鉢齊豐約紺殿與茅庵閒
雲兩無著夜雨塔鈴深襄龐共棲託○鑄像器界墮
重陰漆燈紛可數狐貍呈異態魑魅爭親語欽哉孝
子心普念世間父猛火鍊寒金范出幽冥主光回照
夜珠春發催花鼓莽莽鐵圍山傾頽化黃土遙瞻一
長歎爲告諸有苦想得范金人清輝徧泉戶○營塔
至人委遺蛻凡夫留白骨若從同處觀微茫間毫髮
吳閭一開士潄水兩檀越慈情痛蒿薤永念悲霜雪

冥冥鷗鷺鄉，窈窕人天劫。雙塔俯平闊，凌空高截嶽。
疎鐘聽來斷，光響夜夜發。老鶴語秋烟，哀猿唳凍月。
○鑿池，夙有江海心。疏泉蓄空翠，微雨颯然來。清風
動環佩，溥南烟水地。鱗羽羅眾類，藉此一掬波。溥作
鳶魚會，輕儵初出水。弱燕時矜袂，俯仰慰沈浮。參差
辨莊惠，晚荷故清越。秋柳特淒媚，獨坐看停瀾。無端
發深喟。

紀官過塔院村靜時，聞喚買魚鷓。鷓鳴溪曲繞，荒廬夾
池翠。柳深還密，只剩門前幾尺餘。

董甸潯溪棹歌一徑蒼松蓋綠雲，寒風鬼唱滿秋墳。

淒涼塔院遊人少白骨青燐暗夕曛

普雲庵 在南柵觀音衝後今圯

漏霜庵 在南柵補船村亦稱補船庵釋南潛住此今圯

明董說湖上秋遂來漏霜夜話枯樹婆娑乍飛動相
遭歲寒溽水西忍來一載言尤旨坐盡孤燈氣未低
句到鏡歌愁讀破詩輕小序抹前題感懷不獨詞場
墜祇說詞場意已悽

明黃周星南溽漏霜庵贈月公天教詩骨帶烟霞門
第文章笑大家上士不妨擔柳栗奇人偏喜著袈裟
孤峰狼虎牀頭夢萬卷蟲魚筆底花末世紫芝吾幸

識祥威未許俗流誇

陸庵

在南柵孫家壩

按范志云明殿撰范應期建舊志不載疑附會

朝真堂

在孫家壩本係尼庵今爲僧舍咸豐六年重修

結草庵

在南柵泥司兜口明朱國禎建

梵音庵

俗名王庵在南柵外

永甯庵

俗名三官堂在南柵外

安谷庵

在南柵外

紀復亭秋日集安谷精舍贈得中上人分得幽字古

木危橋取徑幽崎嶇前渡認林邱半開桂蕊如人意

每對僧房似舊遊禪病多從狂後發密珠還向醉中

留衲袈他日能相報更棹空江一葉舟

紀汝霖和劉風漢先生泛舟安谷庵卽事塵事蠶縈
繭聊隨物外遊清寮幽似洞深院爽如秋酒盡紅浮
面雲來黑壓頭催成詩句好碧落挂銀鉤

永福庵

在南柵外庵中牡丹花最盛

按董漢策有永福庵募建大悲堂偈

董蠡舟次謙甫弟永福庵看紫牡丹韻七寶闌圍一

片霞尋春來問梵王家詩多綺語難呈佛病減風情

易負花

余未及同往

已悟傾城空色相應從禪榻感年華

紫雲許把丹青乞便抵深宮繫臂紗

向斜乞種詩以畫易

種福庵

在南柵外

淨土庵 在南柵外南喜兜順治丁酉僧吼石因舊址建
康熙乙未僧鏡如重修

董燠淨土庵寓中作八尺風漪頗稱慵猶炊深甌避
無從幸聞高論冰壺靜亭午相過抵夕春

時友有過談者○

未能免俗相牽率久住茅庵悔亦遲深喜梵音來二
妙藕花香裏細論詩○小鳥弄聲娛俗耳雜花作意
媚秋瞳先生一覺羲皇夢起看溪流雨後淙

裊能寺 俗名康王寺在南柵外三里佛座刻字云信士
唐綸同室陳氏敬助佛臺一座崇禎丙子孟春

范錯潯溪竹枝詞秋來極望水平砒雪蕩珠灣泊釣

九
艘記得西風吹夢醒
袞能寺裏夜鐘撞

董恂潯溪棹歌泥馬傳來事渺茫
袞能寺古近城隍
扁舟昨過康王廟落日寒林甲午塘

靈觀音堂 在南柵療里

已上南柵僧寺

內西柵元壇廟附見

圓通庵 在北柵唐家兜

明華士嶼十六夜同孫魯生集圓通庵
天街洗夜色
空翠襲人衣桂馥初飄細簫聲遙度
稀半庭禪榻冷
千頃漾波微爲愛明河粲三星墜未歸

又題圓通庵泉上人房寄適依名利
幽齋隱市塵經

殘祇樹冷磬寂法幢偏有榻能消晝長貧不礙禪盆
魚窗草綠春半亦知年

王翰青題敏公禪房二首宛宛風幡坐日遲石欄秋

色養幽姿不知何處軒臨水水部當年也賦詩

明華士嶼

官工部主事集有題
圓通臨水軒壁詩

○淨埽機心慵對弈斷無塵事

淡評茶近來朋舊凋疎甚更借孤清破幻花

又湘月圓通庵明學上人賞菊和華拙存霜林踏葉
繫秋光淨綠尚團初地高下香臺分寶座花也總耽
禪味黃現金身香浮銀界豔豔僧衣紫賦詩可否已
公茅屋今是○正好畫竹燒蘭評茶勸酒斜凭烏皮

九
几翦翦西風塵不到不減東籬幽致埽石安琴瑟簾

待月清絕人間世更皈繡佛小軒何處臨水臨水圓通軒名

圮今

善寂庵

在北柵葫蘆白場西俗名北聖堂一作北勝堂

一作八勝堂有古井一口取北方真武制火之義嘉慶

初重建

按董志善寂庵八勝堂復載

雲興寺

在北柵外北迴橋東宋元祐中建元末燬明萬

曆十二年復建 本朝順治八年重修

董漢策重修雲興寺碑記

文見碑刻

方燾北迴橋廟何年畱古寺寥寂少人過碣斷埋荒

蘇垣頽冒碧蘿棟簷蛇蛻在經帙鼠痕多欲識無生
旨須參四大魔

已上北柵僧寺

隨糧王廟 一在東柵口明通判張祐創建俗稱東總管
堂乾隆十一年重建道光中重修一在南柵口亦張祐
建俗稱南總管堂乾隆中修成豐八年重修增建後殿
一在東柵御河橋上明建乾隆時火燬今神像移置船
場浜留嬰堂內

張鳴鈞募修南總管堂節錄尋有東南兩總管廟據

舊聞皆元時以護漕丕著靈應沿明至 本朝廟名

無改而潯之捍災降福阜財裕民尤捷若桴鼓故香
火報賽極盛年來東柵之廟里人旣鳩工增廓而南
尚有竢焉余居界潯市東南之間今年 恩命歸里
深願時和年豐與父老詠歌太平迓神庥以答 主
眷適里人咸願新南之廟如東制者乞余爲引吾知
同里必有踴躍布金者夫豈等叢祠野廟之荒談也

哉

按文獻張志並云張祐創建
此文作元時所創疑出傳會

華萬九重建隨糧王廟碑

文見
碑刻

晏公廟

一在東柵祀水神平浪侯

按文獻張志董志俱
云在東柵大幹字圩

攻此地 地在分鄉壘之西屬
烏程懼一圩非震澤縣界

一在西柵垂虹橋上跨街建

造乾隆十七年燬

廣惠宮

在南柵俗名張王廟宋治平間建元時鎮人錢

清甫重修明嘉靖四十年重修萬曆四十八年傾圮朱

董二氏重修天啓七年董倬儒增建玉皇閣崇禎十年

雷火燬本朝順治十五年重建康熙中江蘇布政使

慕天顏與鎮人董漢策復建彌羅閣一名太微閣上奉

玉皇中供斗姥宮之南嘉慶初建東嶽殿其北爲祠山

殿今改奉爲湖州府城隍殿而供祠山大帝於雷震殿

西南有竈神行宮正中三清殿恭奉萬歲龍牌爲朔

望行香祝

釐祈禱之所

按廣惠宮本祠山神廟額董志范志寺觀載廣惠宮祠祀

又載祠山大帝廟復出至流俗以張王之稱指爲張士誠祠益誕妄無據

張初龍重建張王廟碑記

文見碑刻

談九乾廣惠宮碑記

文見碑刻

董友松廣惠宮卽事翛然滌煩慮紺宇坐談元鶴舞
迎三素簫聲落九天惠風寒食後芳樹暮春前莫道
蓬山遠昌陽可引年

紀復亨廣惠宮白藤花醮壇月上禮元君鶴警瑤簪
次第分素笈曉披明寶字玉笙夜吹落晴雲人間紫
粉徒誇豔仙觀瓊花合作羣應是蕊珠宮裏種諸天
供養靜氤氳

范錯淳溪紀事詩珠宮紺宇奉三清道院修真羽化

輕試向玉皇高閣望恍聞雲外奏鸞笙

子友施北研國祁述其尊

甫樺林先生云廣惠宮俗稱張王廟故老傳始于宋時廟止一殿奉祠山神像爲道流香火之所元人始立外門臻王靈官像內向持鞭而立如釋氏伽藍法至明時里人有見靈官怒色示夢曰廟門像設當外向而坐可急改之否則焚之矣衆以妖夢置之未幾殿門並燬啓禎間里紳董氏復建正殿易奉三清增置後殿爲玉皇閣移祠山神于正殿之右外門改臻靈官像外向揚鞭而坐規制闕敞迄今如舊予思額稱廣惠而無救牒者殆里人私奉崇(雷)錫號未經申請故流俗止稱張王也

董蓋舟孟冬二十一日晚入廣惠宮石壇旛影颭玉

座薛衣封畫牘開元跡碑迷薦福蹤

壁畫采藥仙人國初人筆宮

於明季爲雷火所燬頽陽明紺宇急景迫(元)冬安得桃千樹尋

春策短節

又潯溪棹歌七人八穀過匆匆約伴燒香廣惠宮勝

槩絕殊南渡日太微閣迴嶽祠雄

俗以正月九日爲玉皇生朝郭象睽

車志載淳熙辛丑吳江陳布袋爲冥史誤攝放還恍惚至潯溪見嶽祠甚雄潯溪素無嶽祠心獨怪之云

蠶神祠

一在南柵廣惠宮北一在東柵青華觀內並道

光中建一在西柵妙境庵東咸豐七年建

三元閣

在南柵定心橋上

城隍廟

在南柵箋一圩乾隆時建

董兆元代募建城隍廟引

節錄潯南青華觀規模視諸

佛寺爲隘有堂三楹中奉太一真人而烏程縣城隍神像在其左廡風雨剝蝕往來啤呪余顧而歎息方思所以妥吾神者適巡司裘君與紳士等謀于觀旁隙地別構殿宇奉神像其中相率來請于余爰捐俸以爲之倡

按此文代通州愛山作

丁桂重修城隍廟後軒記

文見碑刻

青華觀 在南柵城隍廟東康熙六十年建道光十五年重建咸豐六年重修中有太乙殿蠶王殿觀傍田中有石形如眠牛相傳昔有欲取之者掘地丈餘不能動乃止漏澤園亦在其傍

范錯潯溪紀事詩道觀青詞奉紫垣步虛聲裏月臨軒何時一片眠牛石畱作人間漏澤園

董恂潯溪棹歌踏青鬪草事都非三月東風絮雪飛
此日遊人謀野醉青華觀外菜花肥

火神廟 在南柵卽積善庵故址咸豐七年建

已上道觀

內西柵蠶神祠南柵隨糧王廟皆僧人住持畱嬰堂并無僧道

解脫庵 在東柵皇御河西廢爲民房已久

草庵 在東柵外下塘今圯

董漢策潯東草庵募引梵行之盛利在增崇像法之衰利在澄汰蓋擇焉不精則反滋擾亂如獅子身中

蟲自食獅子肉曷若釐剔爲善道也然而五濁泥深
能出者少彼丈夫猶爾何況巾幗脫令捐諸所有獨
踏大方卓犖自命于雲霧之表十方薄伽梵必盡稱
歎豈易及哉潯東偏草庵女僧現比丘尼身力鬪五
濁作象王嘯呻此殆欲增崇梵行者耶余謂今以後
當究明性命嚴淨毗尼奉身如頭陀然後可以紹慧
命扶像法萬勿優游縱恣勞心于利養名聞爲護持
眞乘者所笑

朝運庵 又名潮音庵在東柵烏朋兜明朱國禎建

斗姥閣 一名太君庵在西柵垂虹橋南垞

長壽庵

在西柵長壽街

按舊志在石街街譌

普濟庵

在南柵巡司署對河乾隆壬午里人重修改名

吉祥庵俗稱小廟昔爲僧舍今爲尼庵

蓮界庵

在南柵蓮界街

望海庵

卽望海觀音堂在南柵明董氏建

水月庵

在南柵

太君堂

在南柵

董恂薄溪棹歌昨夜熊羆入夢無笑郎先寫弄璋圖

太君堂裏祈男去楊柳腰纖倩婢扶

太君堂俗呼阿太堂前

壽慶庵

在南柵

萬古庵 在南柵

積善庵 在南柵報國寺之南康熙四十一年修乾隆中

復修久圯今建爲火神廟

積善庵刻石

文見碑刻

計士枚募修積善庵引

節錄

吾溇雖市鎮而水陸輻集

走利區也間者創留嬰堂以恤孤起金剛會以樸死
蒸然競興于善而官顯于朝士充于秀商阜于財農
豐于穀天亦若陰隲吾溇是可知所以衍其慶乎
溇之南有積善庵住尼皆力行清修日久將圯謀所
以新之籲于眾而恐其難索引于余余曰是不難師

但以積善二字爲勸導之仕商方競于善庵名積善必有樂施而布金者

秦庵 在孫家壩明朱國禎姪媳秦氏建

萬善庵 在北柵明天啓間建俗稱萬壽庵

董漢策萬善庵碑記

文見碑刻

般若庵 在北柵外下壩俗名新庵董漢策母顧氏建

董漢策致女師一夔啓錄節般若禪院創自先慈旣捨

宅爲覺林復表閭于鹿苑飯僧施脫粟供眾置閒田其來久矣住持義川禪師闡第一義于茲不意色身多厄病輒經年心思退院伏望飛錫遙臨俯念同門

之雅俾川師得謝事優游敬申懇告想沐俯俞

董涓遊般若庵魚鱗細水環村斜寒塘處處鋪銀沙
溪邊老樹葉初脫時露茅屋三兩家沿流直到般若
寺寺中閨寂無喧譁恍然此身入幽谷地偏已覺遠
塵俗峩峩高殿如翬飛四面朱闌圍曲曲寶幢十幅
颺松風雲廊一帶飄金粟憶昔先人到此間相隨賓
從何喧闐竹葉盈尊奏銀管落花滿地浮茶烟十五
年前同一夢堂堂歲月如梭穿追思往事空回首欲
洗愁腸無斗酒同行還幸有嘉賓高談令我開笑口
晚來攜手出庵門惟見殘陽挂疎柳

穀豐庵 一名猛將堂在北柵外下壩

董齋舟溇溪棹歌樂歲家家有益藏何爲重利遠行

商禱風郎詣晏公廟祈穀農趨猛將堂

俗祀劉猛將神乃宋劉銳

也主驅

蝗蝻

已上尼庵

聚星塔 在東藏寺內明董份建浮圖功成大半格於形
家言不爲合尖俗稱無頭塔亦稱半塔康熙中裔孫董
漢策改造爲三層閣易名聚星閣一名聚奎閣道光十
九年重建改名聚星塔

沈登瀛重修聚星塔記

文見碑刻

明董說南潯半塔終古只一半孤高傲五湖混茫連
積霧耿介截虛無天地留長恨雲霄限壯圖憑誰搖
賦筆收拾上吳都

曹仁虎潯溪竹枝詞禮佛禪堂趁早秋蓮花座畔炷
香留生憎殿角浮圖影一半亭亭不到頭

董載昌潯溪竹枝詞東藏禪寺古招提月上休嫌塔
影低何必浮圖高七級初枕得上亦雲梯

范鍇潯溪紀事詩傑閣風鈴響碧簷晨鐘夕唄戒精
嚴菩提樹下人遊憩共悵浮圖不合尖

董恂潯溪棹歌榭樹陰濃綠接天浮圖倒影墨溪邊

阿儂願把恆河力塔級重添萬四千

按舊志依府縣志例祠祀寺觀分兩門今攷府縣志祠祀門內如山川社稷等壇關帝城隍等廟皆每年官爲致祭自應別立一門至鎮志則雖關帝城隍亦係民間私祀並非祀典所應有實與寺觀無異故併爲寺廟一門不復分析其舊志祠祀所載揚文公祠之類或地方公建或子孫世守非僧道住持則與寺廟有別今另入祠墓門與墓域併載

補遺

塔院

已見前

董鉉和枯木吟序

節錄

憶丁亥秋漁庵和尚初至長生

時值重九攜筇登眺予讀書寺中因得接警欬快談
竟夕未幾復去吳門荏苒兩月歲聿云莫迺同此翁
復至長生不三日而西逝此翁于此遂慨然有結廬
之意焉慘澹經營歷數年間而建院鑄像營塔鑿池
諸事咸一一告成此翁曰此先師之事也

顧靖和枯木吟序

節錄

今日之此山大禪師者即當年

之澹城周先生也童齡鍾秀壯歲逸羣讀父書而潛

爲出涕甫九歲如成人侍母側而殫竭乃躬四十年
如一日住金閭絕頂風華之地毫不沾情富貴久空
夢幻邁復社狂瀾聲價之時從無把臂好仇別筵嚶
鳴與開士道人爲伍喜殘山剩水作緣入世每同出
世累劫清修迺脫妻孥障海居方不敢遊方半生潛
託只緣母氏慈帷適高堂之霜露忽零大運之乾坤
亦改遂臻初志皈命梵林遵漁庵古德之箴以聲聞
爲痛戒受浮石老人之付更蟄晦而深藏念本師之
隱願未完漁庵雜染武林長生庵後參學四方晚過
南海挂搭長生講寺喟然歎曰我始於長
生終於長生乎山公體遵其意爲赴海中吾輩之報恩終缺一鉢走湖濱

茫無錐立五衣同露宿那有巢居感天人之修供龍

女布金

董母顧氏

集吳越之因緣象王獻寶甫半載而梵

刹鼎新未幾何而能仁鼓鑄佐以窳堵穹舍安先靈
而恩敷海眾慈波浩淼消劫運而惠殫潛鱗諸凡德
果之孳生僉屬福根之廣植六時不敢解衣堅同脇
者二豎聽他熒惑病學維摩公到潯咯血十年不用藥亦不倒睡俱裏病經
畫遂述枯木之吟聊示開山之路

釋正富和枯木吟序

錄

枯木吟者此山大師承先漁

庵老人命也老人存日以潯水介東西吳參徒絡繹
苦少食宿且素與佛幻翁相契遺指後必同瘞因有

以及股肱近事地則土廣市近致鮮虛靜長有建院
鑿池營塔三願以利道俗而善死生所惠甚嘉嗟乎
既老丁亂未果化去師爲居士早絕婚宦進筆耒供
母母歿卽從漁庵以遂初志然烽火震鄰歲無虛日
師乃夷然一室斷扣檀門蓋煙銷雪擁至十踰稔浸
且雲水獲濟祖父用安水族樂生塵襟喜滌於是長
生古院非復舊觀矣特以罔極靡報加鑄地藏大士
并目健連尊者暨大辨長者各一區爲世人子廣作
度親寶筏

釋淨孝枯木吟建院

戊子花朝董帷儒居士施長生
寺西一袈裟地清和卽縛茅成

落有楊岐乍住屋壁疎
滿牀盡撒雪珍珠之意

老大覓住處寺傍插莖草殿

閣迴層開往來任幽討十年不出籬苟完亦粗好且

暮禮寒雲枯淡如山杳狂雪披兩肩初懷匹岐老何

期潛水南病緣終未了有杖逞風流相隨日潦倒○

鑄像

已丑小春募鑄地藏瑞像天然一經磨琢色如
金燦神奇屢現不可枚舉木翁和尚云此相甲

下天造像之發端始自優填王仰慕不可得雕鏤旃檀

香我今治洪冶欲鑿天之荒遐想大雄身充滿菩提

場獨有幽冥主道範罕以裝誓現比邱形廣度寒林

亡歷從貞孝來行願殊非嘗予亦孤哀者寤寐永勿

忘一朝呼萬應感拜咸心降爐威燭遙天陶鑄儀端

莊相好儼天成靈動生吉祥秀質甲寰區時放金紫

光不以正眼觀焉知此地藏○營塔

癸巳秋先建佛
幻與漁庵同塔

效庵石屋故事丁酉冬惟儒居士夢諸鬼乞建普同
戊戌冬一路巍然其姪魯瞻居士亦捐貲領眾遂成
雙美海眾同居亦
先師之遺意也先師有遺訓欲與海眾俱生既投

分寡沒遂獲所娛憶昔佛幻翁立志何其迂誰知漁

庵叟繼述如真儒嗟予丁運艱獨力開荒途病血事

畚鍤壘疊忘殘軀十年守枯骨一旦與古符感夢布

仁慈能使神鬼孚溪煙澹林月窳堵藻苻扶事事慳

人意列目成畫圖鐘梵每相答靜夜庶不孤○鑿池

先師欲邀高賢修淨做遠公蓮漏而
不果甲午春予乃鑿池集眾補之

鑿得一池水貯

却萬里月消盡世間炎炤我一腔血端念遠公蓮香
開十丈雪瀟灑集羣賢東林恣怡悅吾師蓄此志擬
漏蓮花葉一朝入無生惜哉萎人哲慨然嗣真風迨
遙散高潔誰是同流人能把心如鐵塵累固難遣憂
懷肯獨立層波泛清揚招引登淨域

祠墓

注曰楨揆

南潯鎮志十

楊文公祠

在西柵外楊灣宰三圩祀宋工部侍郎浦城

楊億

按此地十里橋下塘但府縣志並云在南潯故舊志皆載今亦仍之

朱進士祠

在西柵妙境庵內明萬曆中立祀宋進士朱

柵後廢

褚公祠

在西柵外閔家兜褚家墳元元統元年立祀教

諭褚天祐久圯

按此地在九里橋下塘亦在限斷之外然此祠石刻僅存絕無知者今幸訪得

若削而不載慮其終歸湮沒故依舊志載楊文公祠之例破格載入至褚家墳未知褚氏何人所葬既附見于此墳墓中

不更載矣

元褚錫瑜褚公祠碣

文見碑刻

董宗伯祠 在東柵總管堂西祀明禮部尚書董份俗稱

東祠堂

方穀董潯陽宗伯祠飛簷題額字蕭森宗伯叢祠俯

水潯想見青詞歸講殿猶疑白髮動華簪木鐘曾許

醇儒望

宗伯爲唐一庵高弟木鐘臺集語錄屬爲訂定

荆石偏高國士心

荆王

石相闕爲門下士宗伯有國士之目剩有家聲垂博物百年耆舊說梅

林

朱文肅公祠 在妙境庵兜祀明大學士朱國禎今圯

董蠡舟謁朱文肅公祠堂寒泉手淪薦溪蘋欲借闢

言揭榜新五字榮逾華袞錫大書此老亦邪人

董進士祠 在東柵下塘祀明進士董嗣昭俗稱三祠堂

王太守祠 在東柵極樂庵西祀康熙中湖州府知府奉

天王以巽嘉慶十年地

按范志作極樂庵東疑謬蓋卽在庵西雷嬰堂中也

善田張氏宗祠 在南柵外乍安兜

華氏宗祠 在西柵妙境場祠前池中白荷花甚盛

張丹山潯溪棹歌苔青碣斷覆牆陰人去墳空地被

侵賴有賢孫力恢復祠門猶帶夕陽沈

西柵華氏祠本係墓地日

久無人經管其莊佃遂覆墓碑于牆下售地于異姓乾隆時裔孫開泰按譜核實疑其地而未得確據禱于關帝得虎頭城裏喜相尋籤句因訪至白鵬兜有虞姓老人年七十餘備述其源而開泰鳩族資贖焉然其墳已不可攷乃卽其地建祠以爲睦族祭先之所

董恂潯溪棹歌昨訪蓮漪舊草堂今來華氏古祠旁
刺船只向花間住荷葉如雲不斷香

又偕同人至妙境場觀白荷花殘月疎星破曉遲相
偕吟侶短筇支路抄曲巷來深塢花散幽香逸古祠
兩岍冷雲秋在水一襟涼露客尋詩白蓮社裏人都
去定許清游續舊時

朱氏宗祠 在孫家壩懼二圩

紀氏宗祠 在西柵米廊下咸豐七年遷於紀家壩金雞
街北

丁氏宗祠 在西柵外裘莊眾安橋西祭三圩

陸氏宗祠 在南柵餘祥街

莊氏宗祠

在南柵西交界壩橋南

按范志作東交界壩橋南

范氏宗祠

在鰲里方家埭

汪氏祠堂

在北柵外拜三圩姚家兜道光十七年汪延

澤建祀康熙時刑部郎中仁和籍鄉賢汪以澄

①紹會館

在北柵外下壩嘉慶中建

新安會館

一名遵義堂在南柵寓園前道光十一年建

十六年又別置公所于醋坊橋東竹園頭

張鑑遵義堂徵信錄序

節錄

新安六邑商人之在潯鎮

其殞室向僅附築于青華館側歷年滋多漸覺冗偏

自道光六年經金君稼田星彩暨方夢吉汪梗南程際煌吳炳文楊以和陳任賢許清臣胡集和十餘君朝夕綜理至十一年冬始克買地二畝於溪南箋字一圩既營公館卽其旁鳩工開薙建廣廈六楹以爲遵義之堂棟宇完固地勢塏爽又慮陰陽凌雜別置楚芳橋東女厝一區落成之日同人思垂久遠乃議立規條十餘則纂成一編先以當事諸批答凡董司之任捐施之名出入之號啟閉之期工役之資水火之費善緣所集靡不畢載而無歸淹滯買山叢葬其卒事也丙申三月

錢王墓 在西柵上塘後港姚家灘有榆樹兩株舊有墓

碣今已埋入土中

按此蓋吳越錢氏族人但此墓唯見范志別無他據頗疑妄造今姑存之

宋從事郎朱仁福墓 在西柵石街街內仁福從征方臘

有功卒軍中賜葬于此今無攷

按淳溪文獻云石街巷今稱街而墓不可攷或

云遷薦福橋北兜後訪諸故老云舊傳及第世家宅中正廳基下確有一壙係石街街口朱墳是也但築室者溫氏不知售主何人填平何日年遠事久難爲攷究今攷溫氏之宅後售與丁氏正廳已燬土中之壙未知信否卽有壙亦難確指爲仁福之葬也

宋朱仁福墓碣

文見碑刻。按此碣在妙境庵後朱家墳文獻所以有遷葬之說也然碣

實後人偽造罅漏甚多碣稱宣和二年三月一日賜葬舊志並沿其誤不知方臘之反乃宣和二年十月事也據朱國禎百一祖墓記及朱柵厚德遺言妙境庵後之墓乃仁福之孫俊及俊子庇理所葬初無仁

福遷葬之說又華氏傳芳錄載仁福賜葬在德祐元年華元升等陳牒請賜薦福祠額之後則又以爲南宋之末要皆諸牒家通弊附會無稽未足深詫

張鑑潯溪棹歌石街巷口倚涼曛啄木聲聲樹杪聞
金鴈銀鳧漂落盡墓田何處弔將軍

范鍇潯溪紀事詩楚歌爲弔國殤來從事墳荒付劫
灰風雨石街深巷路冬青枝上杜鵑哀

又杜韋孃宋從事朱仁福墓在南潯鎮西妙境庵後
傍有墓碣去歲之秋偕施北硯王雪浦項畱江嘗手
拓其文攷其年月舛誤實多殆朱氏子孫補勒而未
深攷也時北硯賦杜韋孃一闕以紀其事屬余和之

余竊有疑久未報命茲江行阻風篷窗無事摩研拓
本爰次北硯元韻繼聲填此書寄北硯雪浦函江白
楊孤墓棲鴉亂噪秋風颯有數行碑字捫難讀記弔
古詩朋相拉聽椎聲細打墨痕乍灑溪藤潤滑添香
蠟數宣和舊事如許何堪手答○任寫搨星移物換
多將世系付訛雜看昔年燈火叢祠在問薦福誰來
行匝只石街古巷鐘敲妙境蕭蕭落葉老僧蹋賸蓬
窗夢斷驚浪寒吟夜榻○施國祁原作烟叢西墅寒
花墓下秋蕭颯問宣和從事碑存否怎忍令風霜摧
拉喜俊流逸興長箋拓去荒磷乍試新壇蠟聽椎聲

向夕陽裏丁丁響答○看薄榻模糊蟬翼重行泐墨
古香雜恍石街明月遺清影一水外潯溪回匝話南
朝舊事忠祠孝里榛蕪半付晚樵跼好裝池且與評
泊吟窗醉榻

趙王墳 在南柵醋坊橋東俗稱竹園頭相傳宋宗室某

所葬今無攷

按舊志俱作趙王陵然今俗只稱趙王墳未嘗稱陵也張志董志並云遺址尚存范

志云共塢墩石墓門巍然尚存今攷墓門尚存者乃張處上墓相傳誤指爲趙王墳耳實則此墳久無攷矣

董蠡舟潯溪棹歌朱從事墓沒榛芳吳相碑亾事莫
徵回首可憐天水碧行人猶說趙王陵

宋兵部尚書華初成墓 在西柵嘗四圩菜花兜南

張丹山潯溪棹歌忠孝傳家譜系存菜花深處溯前

聞可憐南宋尚書墓荒圯爭傳太監墳

菜花鬼有南宋尚書華大

生墓雍正初年墳圯尸見居民見其冠服殊異因訛傳爲華太監墳久且并尸而失之矣華氏系出錫山

晉孝子華寶之裔

宋承事郎朱俊墓 在西柵妙境庵後俊子庇理亦耐葬

焉俗稱朱家墳

按朱氏譜仁福第三子名宣宣生百一公俊俊生百四公庇理庇理卽進士柵

之父朱國禎百一祖墓記云百一公所葬當在嘗字四圩朱柵厚德遺言云奉祀祖墳餘慶又云先父治命同卜宅兆並指此墓而言後人傳會指爲仁福遷葬于此大謬

宋江州參軍華文勝墓 在鎮西北嘗五圩

梁氏古墓 在西柵菜花鬼

按舊稱梁宦墓時代名爵並無攷

陳氏祖墳 在東柵薛家漾東北明名醫陳理先世所葬
俗稱陳家墳

明處士紀中墓 在西柵箋二圩俗稱秀水墳中爲紀濂
之祖

范錯潯溪紀事詩飛夢金庭渡碧雲優游泉石亦超

羣秋卿第後門風著盡道鍾靈秀水墳紀氏家譜六世祖中字公

權號西巖逸叟善詩文不樂仕進卒葬箋字二圩法華庵之東瑣錄墓前臨半月池後抱西村水清繞匯喬木森森其地形如荷葉得水欣榮故俗名秀水墳

明處士金恭墓 在南柵嘉應廟後

明謝翰故處士金君墓文見碑刻○按范志作墓志譌乾隆六十年出上

丁氏古塚 在北柵園通廡內明時丁氏所葬

丁氏祖墳 在西柵外三里橋西北嗣一圩俗稱鴛鴦墳

方氏祖墳 在西柵外眾安橋東祀四圩

明謚貞愍教授張洪墓 在南柵外牒四圩獨樹灣洞賓

橋南俗稱老墳灣洪子昂即葬洞賓橋北箋五圩盧家

謹俗稱張家桂花墳

明通判張祐墓 在南柵蘇露橋西按范志以爲宋學士張定墓謫

吳曹朱三家祖墓 在北柵外嘗三中圩按西弔橋東至清風橋爲嘗三

圩其北面隔水之小圩附之又北隔一小港俗曰潯溪河之圩亦附焉故以北圩中圩南圩別之

明朱國禎百一祖墓及以仁公附葬吳墓記朱氏陝

西涇人宋宣和二年承事仁福從征方臘有功卒軍中葬於湖之南潯鎮是爲始祖第三子宣從行不能歸因家焉宜有十三子傳遠而派繁散居金閭丹陽安吉諸處潯爲正宗自國禎以上多長子勤於耕買鮮行業及宅墓可考之處蓋旣求巴西黃宮允表南阡矣宮允方在講筵無休沐暇獨爲我操筆古質淋漓是真不朽者夫朱氏潯之舊也由來止此已乎仁福葬明月橋西石街巷巷自如墓不可考冊云祖墳餘慶未知卽是石街與否百一公所葬當在嘗字四圩今隔河祀字三圩有墳一區子穴纍纍守者猶是

吾宗足知兩圩俱是宋氏墓地今自穴而外皆成田
惟鎮西有廟徑橋相傳爲朱氏家廟處想亦進士公
所創已夷闕闔蓋族中不肖所質又有大古柏亦伐
去前年族曾祖表求於董祠部復之立進士公牌位
其中然絕不成廟貌也整之在異日又稍西有樓一
間族某焚修其中蓋因廟毀改立以仁公諱濟東郭
吳氏之甥配吳氏吳有二甥其一爲曹某曹先死吳
憐之許葬己墓蓋先輩高誼如此曹之子鏐宏治癸
丑進士館選得刑部主事善畫殘荷有清名壽最高
所謂桐邱先生者也以仁公歿用曹例不告而葬其

右吳訟之業已然又會有居間者得不發憶禎幼時先府君乞婦於曹曹不許已曹氏行吳墓間得以仁公穴歎曰是舊家且有連無不可者先府君亦不許以仁公蓋貧約惴惴之士配吳氏生死日月譜俱失之二子一女仲又絕穴丁向後有銀杏樹二如華蓋對立插天幾作屋材矣賴吳氏有隱于醫者爭之獲免此百千年物閱富貴多別有鬼神守之五雷所不敢犯輒可睥睨耶伊人中止亦其福薄中舊姓自吾宗外爲東北二吳紀陸張尹慎沈尤錢范華翁翼不過十餘家都居輿塏吳尹慎范僅文學北吳貢生吳

在川吾母其姪愛而女之禎三四歲時造廬與先大
父侃侃猶記其狀貌方面顴腹每謂先府君曰學莫
先於治生深慮府君闕手不甚屑屑數至困乏云耳
入京抗貴人同筆硯者未得官歸家窮死豈所謂善
治生者非耶其長爲弟子員老而黜益貧外祖在溪
有二孫俱夭絕何吳之凋喪而幸吾母尚逐兒子居
京二年得疏食拜觀音大士前耶愾歎可知紀陸張
有鄉進士紀爲刑部員外郎陸一爲知縣在仕籍者
一通判其祖以貢亦知縣張亦通判最先發尚有坊
在南尤以恩貢亦通判禎少時嘗從受業沈以貢亦

知縣翁氏子能詩雅工草書與子善錢與翼俱無文士范卽吾姑節婦之家劉宮允爲之碑與黃當稱兩絕行且請旌然所重在此華登甲午者吾社友也東吳南徙與吾家猶聯兒女親不替云張沈尹慎式微夷於三卻之後矣董自梅林來稍後獨據其勝大發所不歸一者陸氏稍遠爲紀亦十四姓子孫自廢大樹之下無豐草非人之所能爲也而百年前父老追隨于于衍衍婚姻休戚之誼遂絕蓋所聞於祖父如此禎以使節歸當請吳之老人告之故立碑曰附葬吳墓以仁朱公之穴以示別祭必先吳不忘

本也敬敘大都并及溥之興廢以示子孫且俟數姓

之後之崛起者第十八代孫國禎薰沐謹記按湧幢小品曰

曹桐邱公鏤之祖原吳之自出有于曹故一姓曹祖歿葬吳墓余高祖民畏公吳物也貧甚歿亦葬吳墓其地辛丙毀三水俱會云云此記則云以仁爲吳氏甥葬吳墓一人所記自相矛盾攷民畏名震卽以仁之子震墓不在溥北朱氏南阡表可證蓋震父歿而震葬之于吳墓小品之文當有脫譌也

董氏祖墳 在北柵外悚四圩明尚書董份葬其曾祖處

士鐸及祖贈通議大夫庠於此墓前二翁仲猶存俗稱

石人墳墓西向稍南爲庠子珮珂同葬俗稱獨樹墳亦

稱老墳灘按范志云在懼一圩蓋因悚四懼一兩圩連屬致誤又庠墓誌係主事唐樞撰文今不錄

明處士張鳳墓 在南柵醋坊橋東鳳爲董份之外祖

明董份明故棲筠處士張公配褚碩人墓誌銘史氏
董份曰子舅氏家難可勝言哉始予舅死于毒官方
按治而仇傾家財倚有勢者抵搆於其間外大父棲
筠翁及褚碩人相繼以憂歿最後舅子仲兄需亦下
世人之云亾家亦殄瘁痛哉于是伯兄震就祿遠方
自照磨稍遷棄其官不赴歎曰所爲萬里仕者欲竊
升斗以葬先人畢大事耳今官旣貧而業益窘卽萬
一先霧露恨可贖哉蓋棲筠翁葬已久矣而未有銘
碩人歿已久而未葬震獨念曰夫葬而無銘與無葬
同歿而未葬與無子同子誠已死而孫不能舉與無

孫同震何面目以立世也乃與鬻之子四聰等來言
銘事會予方以太孺人喪未能就也居歲餘又泣而
言曰惟不得銘以不敢十日而溫氏兄應祿亦數
責予曰子傷母而獨不念母所自出乎且忍使二大
人歿遂卒卒無紀載比委于草莽者哉乃摧心裂腸
拭淚而序其事張氏者其先烏程潯溪人也翁曾祖
華甫以高行稱潯溪人言大姓有禮者必曰張氏祖
恕父敏皆有隱德居潯溪翁少有雅度自兒時爲塢
村褚丈人所奇遂歸女爲翁配因依褚治田宅盡讓
兄潯溪所居而徙爲塢村人性簡重悛悛口不出辭

未嘗折人以辨然論理道識要指犁然有當于時人亦不能難也願不喜仕不肯授章句業而塢村在潯溪西有沃野膏田陂池之饒乃樂其地益規治蒔桑麻藝林圃親率耕耨其間入其境叢陰茂雜流泉掩護曖然隱居也大槩勤身儉節以起其家而不事貸息不爭廢鬻以競贏利其古之所謂以正道自殖者歟治家不得闢費自尺寸有經而問義所當不小拘也人以是稱之教子孫有法繩束軌限毫毛不得違度數延經生博士使子孫以次受學傳誦日夜趣問所進稍稍究以師說爲處其然否多中幻眇經生博

士捐几而聽之無不許善其行已極慎進退步履皆有常處至遇人煦然無不得其歡心居常微行瑣節皆可述者予少侍先府君太孺人之側時時言翁而予早不解事久遠不能詳也要之誠謹篤厚表裏醇壹斯所謂善人長者足以貽後昆而敦薄俗者歟冀記予數歲姆攜戲翁膝下翁授以古歌詩能言其義數賜金錢甚喜而予好弄不羈獨溫氏兄卓然成人起立不苟而翁兩取之歎曰術者言我宅相當有甥貴而兩兒皆不凡倘在是矣丁酉之歲予幸與溫氏兄同舉于鄉人皆以翁之言有徵而惜夫翁與碩人

其皆逝也碩人卽塢村丈人之女始歸于翁輒屏鉛
棄珥自力作苦身紡績織紝工與婢最者校食與下
者等人無媿指家無遺粒翁積治產業多碩人之助
也然與翁孝養舅姑嫜睦宗戚事上惠和敬恭而閨
門甚肅其遺範餘風凜如也人故益知其賢平生不
踰閭閻獨以子死官驗屍與翁相持出哭屍下悲號
甚慘官乃動曰是父母將并爲子死囚可釋哉乃卒
按仇罪然無何翁歿而碩人失明十數年亦歿嗚呼
哀哉子見碩人失明後常處一木榻不下每飯不過
數匙肉三四舉食蟹不過一節而壽九十餘而歿問

之碩人往故少食如此夫味薄則神清而氣堅碩人
自少能以勤儉助翁而壽老固以神用也然則世專
以極味窮嗜爲養生者不已汰歟翁名鳳字某棲筠
其別號也生正統庚申九月十日歿正德丙子八月
十九日碩人生正統丙寅四月十六日歿嘉靖庚辰
九月十四日按生卒干支必有謬字據上文碩人歿
在翁歿後十餘年壽九十餘今以二人
生卒之年反覆推
較進退皆不相合子暹卽死于毒者也娶沈氏女三
長嫁沈次卽予母太孺人次卽溫氏兄母也沈淵子
父環溫氏兄父瀚也予父以貢士不肯就選贈翰林
院編修溫氏兄父亦以例貢不選將待封云孫男二

長卽震授鎮遠府照磨遷周府審理娶陳氏次卽需
早歿娶丁氏孫女二適蔡槐陳梓曾孫男四四維娶
金氏四科娶談氏四聰娶黃氏四教聘陸氏四維四
聰皆學生曾孫女三適閔隆慶陳汝登莊寅(元)孫男
四嘉謨嘉猷嘉言嘉行嘉謨聘閔氏嘉言聘宗氏(元)
孫女六長許嫁陶某餘俱幼翁以正德辛巳葬潯南
之箋字圩今嘉靖辛亥舉碩人合葬焉銘曰痛者子
繁則孫痛彼朝露其繁如雲雖以憂歿實慰乃魂古
云作德祚及其昆諸孫彬彬實興于文將大其門維
祚之存銘稽葬緩終歸茲墳史氏勒石以示後人

按此

墓卽向時妾指爲趙王墳者近年里人紀南枝始炎
得爲張棲筠墓以此文證之信而有徵矣凡墓志埋
於壙中未出土者例不入碑刻但究屬勒石故錄全
文曰此墓傳譌已久特詳著之俾後人有所攷焉

尤氏祖墳 在南柵尤家港北明尤應祥先世所葬

朱氏南阡 在南柵外今無攷明朱國禎之曾祖贈光祿

大夫震及祖贈光祿大夫經墓後遷葬懼二圩玉成灣

明朱國禎月溪公行實錄節民畏公諱震生四子長月

溪公諱經字朝綱壯年厚一術士其遊鎮之南隅指

一地曰前岡似吉卽默識價極貴畝不及三而錯業

十餘家營歷三十年已得之惟正中可三丈餘抵而

不殊爲人所覺有刁氏奴七者其父故民畏公之僕

尚在杖勢覬覦公以計引其人置券厚給其直買空棺實土培其上明日獨身至揚言曰若來吾挾之與赴水奴亦懼始不敢爭是舉也遲一夕卽負囑不可邇前所得悉決裂然非公之氣槩亦不能逆懼至此旣決策衆云公傾家之半與一生精力都在此眞穴宜自奉公泣曰謂吾父何卒謝不聽三弟尚在不煩一粒一錢之助也左爲某奴之域僅隔一小渠丁位原有徒杠其流來處屬彼所去易以石屈曲束口之半說之萬端不聽無如之何卒亦無害而奴已奄忽墟其地矣臨歿猶南墓爲惓惓云

明黃輝朱氏南阡表

文見碑刻

明徵士趙金墓

今無攷

按舊志云金年六十自爲壽藏范志云趙心山墓誌尚寶司少

卿陸師道撰其墓當在溥而皆不言在何處

明刑部員外郎紀濂墓

在南柵外簡二圩姚埠坑

本

朝諸生紀遠及太僕寺少卿紀復亨並耐葬墓側

按濂墓誌

係董份撰文今不錄

明贈光祿大夫朱守愚墓

在南柵外顧五圩守愚卽朱

國禎之父

按守愚墓誌係兵部侍郎許孚遠撰文今不錄

明贈光祿寺少卿董嗣成墓

在北柵外拜三圩初葬烏

鎮獲字圩順治四年遷葬于此俗稱桂花墳今桂已槁

按嗣成墓誌係大學士申時行
撰文遷葬未嘗改撰今不錄

黃周星董墓看桂次題壁韻早香直作晚香開牽惹
游人幾度來天竺影疑花雨墮月宮曲記紫雲回蕊
珠叢裏採芳徑金粟堆前酌古苔彷彿淮南招隱地
可堪作賦小山才

汪廷澤桂花墳弔董光祿市義翻胎禍窮泉迴不晨
一杯遷瘞骨兩疏頌批鱗薄俗誰奇士衰朝此直臣
我來秋色裏太息桂爲薪

殷氏祖墳

在南柵箋二圩俗稱殷家墳

按范志作在
恐四圩謫

邢氏祖墳

在西柵西莊村後俗稱邢家墳

明戶部主事黃周星墓 今無攷或云在馬家港長生橋

北塊俗稱獨樹墳 按周星自撰墓誌今不錄舊志不言墓在何處以為在馬家港者始于那

典云據先世舊聞墓上有白皮松一本塚則三和土所築然亦未云在長生橋畔也丁源詩則謂墓前有冬青

樹又有南林寺句似當在報國寺左近矣道光中東藏寺僧達曾始指長生橋北獨樹墳以當之而范鐸賦詩

并蔽之潯溪紀事詩中近人遂為立墓碣殊失疑事母

質之意今墓上樹非冬青亦非白皮松係甄贖非三和

土塚堆甚大似有三四穴夫周星卒後其子已奉母返

金陵矣即云後來奉母柩至潯合葬亦止二穴而已附

葬者又何人耶相傳十餘年前有上塚者居府城西門

外非黃氏子孫或云係朱氏族無後者所葬又里人

邢典南林雜詠獨樹墳 黃九煙 寂寂荒墳在依依問

水濱一枝松與伴孤絕似斯人

丁源黃九煙先生墓

墓前有一樹土人名獨樹墳

浪迹江湖未有

家酒船詩軸共生涯夕陽終古南林寺猶照冬青獨

樹鴉

先生有句云高山流水詩千軸明月清風酒一船又先生最愛夕陽有夕陽詩二首

范錯偕竺峰上人尋黃九煙先生墓百年畱故跡咨

訪墨溪瀆芻狗齋無址銅駝夢散雲

先生著有夢史佚不傳而芻狗

齋集板片亦久燬

小橋流水曲獨樹一抔墳

舊稱獨樹墳爲先生墓在長生

橋畔相與談文獻裴回倚夕曛○五遷茅屋隱遺世首

頻搔顛沛亾張儉淒涼老謝翱生存明進士死讀楚

離騷太息無碑碣何人薦野蒿

又潯溪紀事詩馬家港曲入溪南獨樹墳荒路未諳

更問桑麻朱相宅祇今世系少人談

按昔亾友施北硯國祁聖善城

典紀鐵珊峻嘗云獨樹墳在馬家港爲黃九煙先生墓余以浪遊數十載久忘蹤跡乙未春歸省先塋暇與竺峰上人達留偕尋在青華觀後隔水之長生橋畔有墳蓬纍一樹扶疏老幹蟠結其上達上人曰此卽俗稱獨樹墳也後人零替久絕祭掃矣徘徊夕照慨無碑碣爲賦二律

張丹山謁黃九煙先生獨樹墳潯溪迤東南波光淨

於練水木湛清華坡陀恣游衍乘興訪石湖桑梓徵

紀傳忽云獨樹墳一杯昨曾見兼欲表章之豐碑屹

一片我聞意感發急思瞻月竈適墓生敬心愧乏芳

芼薦吁嗟傷心人才華洵邦彥弱冠擢京闈簪花聞

喜宴觀政攄懷抱戶曹承帝眷忽焉天地傾世事滄

桑變肥遯隱江湖迢遙歷郡縣武水重遲回長城食
貧賤五遷始至潯孤蓬任飄轉晦跡鸚鵡洲勤耕鶴
鶴硯迄今市塵中尚爾流光絢天中額仙宮歲寒勝
僧院泣鬼與驚天使絕唐詩選桑海泣遺民憤鬱若
瞑眩瞬息年古稀歲月驚流電神州已陸沈悉數淚
如霰南都小朝廷君臣喪游醮紹武敗倉卒思文絕
鄰援螳臂竭翁洲龍種獻緬甸長楊依延平海嶠猶
吾戰恨乏補天手精衛滄海填苦無魯陽戈夕照空
矜炫鍾山王氣銷解脫夫何戀絕命詞既吟生壙志
亦謨邁茲令節辰汨羅帝獨擅寂寂芻狗齋蒲觴聊

白餞妻孥痛設別墨溪赴清淀憶昔書城師賦詩曾
弔唁因之桑野聞榛莽瘦尋徧積岡二十年今此殊
歡忭賴有冬青枝歷久尚葱蒨鬼神常護持名流仰
狂狷惜哉土花殘剝落資修繕何時宿草除何日椒
漿奠鄙俚綴蕪詞大雅徵黃絹

時范文白勗相
約賦詩紀之

沈氏祖墳 在南柵百老橋北

潘氏祖墳 在南柵百老橋東潘尚仁尚智先世所葬

孝子袁大周墓 在南柵恐四圩磧沙寺前

按董志載宋宰相吳充墓在鎮東南三里今在陶
墩村屬震澤縣界故改入志餘又載石秀墓在東
柵雍正間地崩露其壙有碑
碣存焉卽掩之今削不載

道士墳 在南柵箋一圩巡司署對河廣惠宮道士聚葬

於此

六禪師骨塔

在東藏寺中

按聚星塔旁又有四禪師骨塔附載于此

張丹山潯溪棹歌六祖功成庇一龕兒曹佛土好莊

嚴金仙亦有長生訣法界空花一笑拈

東藏開山爲雲棲法嗣一

默然靜二妙湛源三無見相四承源五引之六祥永
舊傳初起地藏殿時六祖骨塔在焉初議移去而董
其事者張麗成李某也有漁船張網于張麗成湖埠
夜分見張門大闢六僧魚貫進疑有法事久之張送
僧返戶旋闔次早李謁張備言夜夢六僧來懇骨塔
毋移不礙殿址與張夢適符大驚遂寢前議殿成適
在右壁因設位供奉
香火至今不絕云

三禪師骨塔

在塔院中題云臨濟正宗第三十世佛幻

神珠海禪師第三十一世漁庵天倪聞禪師第三十二世開山此翁孝禪師之骨塔

普同塔 在塔院中碣題同登上品優婆夷優婆塞之骨

塔又報國寺中亦曾建普同塔今無攷

按同登上品淨錄同作普譌

董漢策募建普同塔引憶昔亥子歲交此山禪師自吳門來溥爲其本師倪公建塔余因以立普同塔廣引孝思之說進此山禪師便首肯曰此先師之願也居無幾何倪公之塔成別構數椽供地藏使冥趣知所向往乃營地勢爲四眾掩遺骸復及于遺骸之無主者歲在庚寅將鳩工焉余謂鼎象封樹儒者之教

也貧無以葬則教有時而窮掩骼之法所以救鼎象
封樹之窮也茲逢兵燹之後骨肉滿溝壑矣爲刀鋸
死爲風雨死爲猛虎死爲赤鼠死甚則爲蠶蟻刺射
死舉天下毋失其子夫喪其婦兄弟眷屬勢如土崩
欲訪遺體置荒垓中不可得而高原蔓草之側白骨
青火魂旣難招神猶入夢問儒家有掩骼者乎則不
顧而唾嗟乎此時立普同塔又所以救儒者之教之
窮也今薄之人歷此大劫而安堵如故前所言五死
悉不犯于是用其餘生畢力于掩骼之事贊助普同
已稱極樂當不待予言之畢而有脫巾幘簪珥以成

倪公之願者

金之俊普同塔引東坡之銘暴骨也曰是豈無主仁人君子斯則其主矣噫此真仁人君子之言也從來掩骼埋胔食報不淺而世人鮮留意於此者良以黃金能語白骨無言與其施恩必報之地何如市德必償之人於是著慳貪想者徒飽自己膿血卽生布施心者亦遑顧誰氏枯顱不知羈魂旅魄飄泊堪憐暮雨晨風淒傷欲絕王忱之葬客舍書生陳元之瘞饑歲萬殍稽之往牒因果昭然世間容有負心之活口地下決無背德之灰骸爲之主者繫惟仁人君子是

賴余伯兄口然先得我心慨然首倡義舉欲建普同塔於溇鎮之隙地而比邱某踴躍贊助誓共圓成若自作若教他作見作隨喜伯兄與比邱之謂也伯兄曰人之欲善誰不如我弟其爲我廣之余因書此以徧告仁人君子

又溇水普同塔疏

節錄

曹溪西去數武爲南溇鎮有報

國寺南林上人曾斷一手以誓興復茲寺至今機緣未就然爲法忘身一念何異斷臂之神光余素嘉其真心實行庶幾其無我相者乎一日持疏冊欲建普同塔於寺之彌陀閣後而丐余言爲勸

寓園 在南橋蓮界後傳爲勝義庵僧舍嘉慶年來僧
僚散亾始盡師善堂董事紳士請於當道改作便民停
柩之所名曰寓園三年之內覓地安葬庶使闔閭之中
得免不虞之患矣

義塚 康熙十一年里紳董漢策創建義塚久廢無攷或
云卽今藤里義塚是也雍正二年紳士潘尚智夏光遠
沈謙徐宏遠張輯玉溫堯臣潘尚仁張文翹莊敏之陸
熊臣陳寶東陸心期陳甯周董洛如張麗成殷茲在丁
覲揚華佩蘭莊祖庚宋穎傳丁次寅沈謙受羅會乾周
大偉張維申潘彩雲顧序皇等復捐資公建在筭一圩

焚無主之骸骨藏饗叢葬男女各別積二阜嘉慶間復
於府城西南三十里杼山捐置山地每年春秋二季凡
師善堂無主之棺載往叢葬不復火化

按義塚並志作漏澤園名異實

同范志乃云漏澤園卽漏園譌

曹大斌青華觀義葬版榜周禮大司徒以本俗六安
萬民二曰族墳墓春官之屬墓大夫掌凡邦基之地
域爲之圖令國民族葬而掌其禁令正其位掌其度
數使皆有私地域先王所以謀民之喪死無憾者綦
詳矣而孟春又有掩骼埋胔之令豈不以四海之廣
惟恐一夫不獲其所耶吾潯溪里烟火數萬家遠方

商旅輻輳其土著貧乏不能葬及流寓滯柩之無歸者往往有焉仁者憫之嗚呼詩有云行有死人尙或瑾之又云凡民有喪匍匐救之孔子所謂無服之喪內恕孔悲者也於是里之大夫士庶者老公擇地于嘉應廟東北隅若干步爲義葬之所厲從社後允合古法旁構青華觀命黃冠者居之薦其歲事庶幾仁者之用心而佐王政之十一者因立榜楹間余爲書其梗概以諭將來善信芳名列左右道士沈道恆與有勞效例得附名

按此文明題版榜舊志列于碑碣誤

董熄義塚記古者家人墓大夫各有職掌自貴及賤

未有不得耐葬族葬者其或死于道路又令蜡人埋而置榻至孟春掩骼埋胔并令掌其闕禁凡所以仁死喪者詳密如此斷無有貧不能瘞而殘骸暴露者也後世義塚之設不在官而在民蓋下體上之意出其私財聚枯骨築大阜以埋之故謂之義冢 國家仁育萬物恩頒葬典使愼終事弗之有悔然貧而暴骨者時有康熙辛丑溇鎮沈君謙徐君宏遠張君元燦等惻然傷之始捐資創議勸里中之樂善者各出資財買箋字一圩稅地八畝有奇屋前後六間中供青華上帝顏曰青華觀無主之骨悉收之地東西八

十餘丈南北四十餘丈計用銀七百兩有奇深得置
榻掩埋之義顧以力薄地隘不能不火化也蓋自桑
門之教盛行于中土莫之匡正宋建隆中詔禁火葬
今律從尊長遺言將屍燒棄杖百而宋賈同禁焚死
王安石閔習二文尤痛切賈之言曰父母生而或毀
傷之不仁死而復毀傷不仁甚矣况自執火而焚其
屍乎王之言曰習之久也至于戕賊父母而無以爲
不可然則義塚所收其用心甚慈其爲功甚大而猶
未能禁人火化更能推而廣之措置寬閒之地得以
安葬而無燒焚之慘則事係于官而士亦得爲之特

書以俟有力者乾隆十有一年六月

附師善堂捐置埋棺山地畝數
嘉慶七年捐置市山地四十五畝裏竹園山地三
十畝絲車針山地五畝十二年捐置市山地一百
六十畝十四年捐置市山地八畝道光二年捐置
市山地十三畝三年捐置劉家山地五畝三分五
年捐置劉家山地四畝零五釐六年捐置市山地
一畝七年捐置市山地四分八釐五毫又實地五
分八年捐置劉家山地六畝九年捐置劉家山地
一畝五分十一年捐置市山地三分五釐麗山地
十一畝七分三釐十二年捐置麗山地十畝零九
分七釐五毫十五年捐置麗山地五畝九分六釐
十八年捐置麗山地十三畝四分六釐以上共計
捐置木鎮箋一丹稅地四分連屬寓園停棺之所

補遺

先民祠 在祇園寺義塾硯冰精舍樓左咸豐九年里人
公設祀鄉前輩及寓賢自元至 國朝凡四十五人祠
額題先民在昔四字

清芬祠 在祇園寺義塾硯冰精舍樓右咸豐九年里人
公設祀里中節婦貞女烈婦烈女孝婦孝女自元至
國朝凡四百餘人祠額題清芬靡忒四字